

嘉慶延安府志

延安府志卷三十七

禮畧三

坊表

膚施縣

黃甲開先坊在東關爲進士王章立

兄弟進士坊在城內爲楊吉楊兆立

九棘連雲坊在北關學前爲解中建劉希臯趙瑤趙仕蕭

文璧李學易李學詩高提楊吉立

都諫坊在城內爲楊宗氣立

四世一品坊在城內爲趙養性趙仕趙一麟趙彥立

進士坊二在城內一為張世烈立一為張廷玉立

叢桂坊在城內為府學舉人毘聰等八十五人立

聚奎坊在東關為舉人李森等立

兄弟同科坊三俱在城內為趙瑤趙仕李賦愚李賦直王

評王訪立

鏡樞猷懋坊在城內勅建為太傅尚書趙彥立

丹桂坊在東關為姚衍中立

名臣坊在城內為楊宗氣立

世科坊在城內為李學易李學詩李賦愚李賦直李賦蒙

李賦秀李賦敏等立

祖孫父子兄弟名世坊在城內爲御史楊本深郎中楊本源少卿楊本深泰政楊吉尚書楊兆錦衣楊汝業同知楊正莖楊正高監軍道楊正苾等立

總督坊二俱在城內一爲楊宗氣一爲楊兆立

四部元臣坊在城內爲南京兵刑北京兵工四部尚書楊兆立

官保尚書坊在城內爲趙彥立

開府名臣坊二在城內一爲都御史董珊一爲都御史白希繡立

父子經元坊在城內爲楊本深楊吉立

亞元坊二一在東關爲解中建立一在府城內爲劉希臯立

冬官坊在東關爲工部員外郎李泰立

若壽五封坊在城內爲誥封山西左布政趙一麟立

文武名家坊二俱在城內一爲提督蕭漢蕭文奎舉人蕭文璧都督蕭如蕙蕭如蘭蕭如薰察將蕭伸遊擊蕭佩錦衣蕭德等立一爲太傅尚書趙彥光祿寺丞趙章兵部員外郎趙廣印都督總兵趙大印錦衣僉堂趙昌印遊擊趙廓印等立

經筵侍講坊在東關爲翰林院檢討劉世芳立

兄弟三令尹坊在城內爲陵川縣知縣楊如栢立
縣楊如松溫縣知縣楊如栢立

陳七兒孝義之門在南關明永樂十六年建石坊

賢孝坊在南街爲張氏立

縣志按以上俱明
時建今俱廢圮

大中丞坊三俱在府城內一爲

國

朝綏德馬如龍立一爲宜君楊素蘊立一爲延長薛柱斗

立俱巡撫

按節孝諸坊俱附見
列女傳錄茲不贅

安塞縣

永護金湯坊縣人爲城隍神立

恩綸世渥坊在城內爲治中宋之貞立

延安府志

卷三十七

坊表

三

綸音三錫坊在城內爲應州知州宋蒞立

科第傳芳坊在城內爲天順乙卯舉人宋珩萬歷戊戌進士宋之貞立

亞元坊爲宋珩立

河東三令坊在城內萬歷中爲太原縣知縣高秉直石樓縣知縣何希義和順縣知縣樊自新建今毀

奕世名家坊在城內爲舉人馬懋才立

百年名世坊在城內爲天啟乙丑進士馬懋才立今圯

皆明時建

貞節坊在城隍廟西

國朝順治十三年爲縣節婦馬應龍妻高氏立

甘泉縣

開國元卿坊爲尚書開濟立

進士坊爲石瑩玉立

保安縣

學士坊爲翰林王大任立

柱史坊爲御史李光祖立

進士坊爲王鐸韓秉衡立

安定縣

諫垣坊爲吏科都給事中薛文周立

保安府志

卷三十七

坊表

四

奎聚坊爲白鍾靈南士昌張開祥立

平政坊在城內通衢

國朝康熙二十六年知縣張鼎新重修後圯乾隆十三年知

縣高士超伐石重建

儒林坊在儒學前明萬歷二十七年立

孝子坊在縣東七十里爲明孝子李壯丁立今廢

以上俱明時建

宜川縣

二賢坊爲宋丹州推官胡瑗雲岩令張載立

進士坊爲張琛劉琛張壽同立

三桂坊爲劉玟劉琛劉璽立

鳳起丹陽坊爲舉人劉子誠立

恩綸坊爲知州劉子誠父劉廷珩立

步月坊爲舉人白晟立

鳴鳳坊爲舉人張堯輔立

河西三鳳坊爲舉人劉子誠貢生劉子訥劉子誠立

甲貢聯芳坊爲進士張琛張啟立

一等官員坊爲延津知縣劉廷瑚立

縣志按以上各坊皆
圯今依府志具錄如

本

天良惇篤坊爲孝子趙紀立

是亦爲政坊爲孝子郝尊圯立

烈女坊爲劉廷瑚女劉丁香立

五鼎三封坊在城北九峯山爲劉廷珩劉子誠立

五馬坊在城北康家原爲張堯輔立

奉直坊在城西五里坪爲強勉立

籠章籠錫坊在城東鳳翅山爲郝炅立

延長縣

義王坊爲順義王孫可望立千谷驛亦建

恩榮坊爲誥贈知府薛之奇薛之鳳立千谷驛亦建

少司寇坊爲侍郎薛柱斗立

都御史坊爲薛之奇薛之鳳立

進士坊爲周衍立今失遺址

解元坊爲樊儀立今圯

奉直坊爲宋大奎立

孝子坊爲王旻立

節孝雙全坊在宋家灣爲李氏並男焦繼蘭立

昊天罔極坊爲孝子焦繼蘭立

勁節純孝坊爲廩生郭永寧妻李氏立

節孝並著坊爲董閑妻馮氏立

延川縣

宸翰坊在南街縣人石可久登萬歷戊子科鄉薦立

恩榮坊在西街爲中書加少卿高昌印立

萬代宗師坊在文廟前明知縣王萬選立後圯知縣劉穀
重修

定邊靖邊縣新設無坊表

延安府志卷三十八

禮略三

膚施縣陵墓

晉

夏主赫連勃勃墓在城南杜甫川後

陳志

延川縣南六十里

白浮圖寺前七塚相傳赫連勃勃塋此

延川縣志

勃勃塋嘉平

陵

十六國春秋夏錄云勃勃墓在霍山最高峯未知誰是

又

尸毘墓延州天山之巔有奉國佛寺庭中有一墓世傳尸
毘王之墓尸毘出于佛經大智論言常割身肉盡今天山
下有摧筋河其縣爲膚施慶歷中施昌言鎮鄜延壞奉國

寺爲倉發尸毘墓有枯骸尚完脛骨長二尺餘顱骨大如斗並得玉環玦七十餘件

夢溪筆談

後梁

高刺史萬金墓在府城南八十里盤龍邨

馬志

萬金河西人

高萬興弟延州刺史貞明四年卒乃以萬興爲郟延節度

兄弟世守其土

延綏鎮志

宋

鄭指揮榮墓在府南十里

馬志

榮京兆人始以民兵來延有

戰功授都指揮

賈志

明

楊都御史宗氣墓在城南十里柳林山頂賜祭葬賈志

楊太保兆墓在城北五里賜祭葬父御史本深墓亦在焉

陳志

楊叅政吉墓在伏龍山

陳志

楊同知如松墓在城南十里

贈尚書趙仕墓在城西十五里賈志在城西神仙溝子太傅

彥光祿章耐陳志章卒于崇正庚辰以癸未耐葬于贈太傅

公父之次與兄太傅彥分左右王嘉豫撰趙光祿墓志銘

張布政世烈墓在城南五里夏家塔側賈志

白巡撫希繻墓在城西南杜甫川賜祭葬賈志

蕭大將軍如薰墓在城南三里杜甫川其祖都督漢墓亦

在焉

陳志

張副使廷雲墓在城東五里白雲窩

賈志

楊知縣如桂墓在城南

賈志

董都憲瑀墓在城東十里

賈志

楊同知燁墓在城南十里

陳志

高知縣夢貞墓在城南十里臥虎灣

賈志

李知府賦秀墓在城南十里

賈志

趙員外廣印墓在城北二里王家坪

陳志

劉翰林世芳墓在城北二十里

陳志

趙處士應震墓在城東二里有提學汪喬年碑

賈志

李烈婦墓在城西南杜甫川毘家岬有碑

國朝

趙知縣隆引墓

賈志

白知縣可久墓

陳志

王按察令墓

安塞縣

明

郭知縣東陽墓在縣石峰山左

陳志

王驃騎將軍倫墓在縣南三十里

陳志

正安府志

卷三十八

陵墓

三

王推官謨墓在縣南鳳凰山下

陳志

馬參議懋才墓

韓孝子景陽墓在縣南鳳凰山下

國朝

張知縣友仲墓友仲福建永安人子身蒞政驟病而亡一

僕私竄縣衆憫之葬于金龍山下

縣志

甘泉縣

隋

薄姬冢在縣西六十里塚高丈餘其間老松古栢蒼鬱相

映馬志縣西府城邨外俗傳煬帝北巡選納鄭妃名薄姬歿

後楚此人稱薄姬冢

縣志

元

袁御史榮墓在縣南十里

縣志

榮元行御史臺中丞

馬志

文侍郎允中墓在太和山前

縣志

明

刑部尚書開濟墓在石馬河

縣志

高御史亮墓在焦家庄

縣志

石主事瑩玉墓在縣東臨鎮川

李知縣汝相墓

張推官秉墓

保安縣

宋

劉節度延慶墓在縣北二里墓宋保信軍節度使劉延慶

馬志

明

李御史光祖墓在東山

陳志

王學士大任墓在南門外

陳志

韓副使炳衡墓在縣南川

孫志

安定縣

明

薛給事文周墓在縣東十里

陳志

藍總兵墓在縣東郭任寧夏總兵名失傳

縣志

國朝

薛經歷廷墓墓在縣東五里

陳志

附疑冢 宋潘美墓蟠龍山在縣南八十里嶺上古栢蒼

翠相傳潘美墓在焉故又名忠山

縣志

按美非陝人又未宦

終于陝其爲傳訛無疑今洛陽陳留俱有美墓

宜川縣

唐

忠武王渾瑊墓在縣北八十里三冢邨乾隆四十一年巡

撫畢沉重修并書唐忠武王渾公瑊墓八字勒石記墓地
八十畝傍墓圍墻百丈王廟圍墻五十丈古栢二株小栢
樹十株雜木五株知縣方顯德經修

縣冊

明

張知州堯輔墓在城北康家原有坊

張同知堯行墓在城北党家灣有坊

強運使提舉勉墓在城西五里坪有坊

劉知州都墓在城北九峯山祖父墳之次

張知縣文臣墓在城北范家灣山巔

袁知縣勉墓在城北党家灣

楊知縣一貫墓在城西馬家坪

薛知縣廷芝墓在城西白家原

張知縣允先墓在山角郵

張孝廉允祥墓在城西二里河北

以上縣志

張都諫琛墓在縣南五里郭家欄

劉孝廉子誠墓與弟知州子誠墓俱在縣北九室山子誠

倪元璐撰墓誌

劉知縣繼墓在縣北十里如渠原

楊都督自新墓在縣北八十里神田嶺

以上通志及前府志

國朝

延安府志

卷三十八

陵墓

六

劉明經漢客墓孫孝廉楫耐壘在城北五里范家灣

楫耐壘志

本宜川人隨母家住富平縣姓李氏康熙五十二年中式

歿後其子移壘于此

縣志

李知縣恭墓在城外北隅

郝孝廉圮圻墓俱在城東鳳翅山之陽有坊

張主事又泰知縣東墓俱在城西萬人嶺山麓

趙進士思清墓在縣北四十里趙家臺

趙孝廉振宋墓在縣北百里外利北村

呼孝廉一士墓在縣北百里外古渡店村

呼延孝廉墳墓在縣北百里外車郵

以上俱縣志

延長縣

明

樊解元儀墓在縣南五十里石跋邨儀歷官江西提學

縣志

宋知州大奎墓在縣境

國朝

薛侍郎柱斗墓在縣西千谷驛南山下附于其父之奇叔

之鳳側

縣志

孫義王祖墓在縣境

陳志

延川縣

明

高副使懷敬墓在延川縣

陳志

靖邊縣

明

梁烈士文炳墓在縣城南二里

縣志

國朝

張知縣輔鑑墓在縣城南五里南山

縣志

黃德兵喜林墓在縣南八十里南灘雍正五年二月

賜祭墓

縣志

延安府志卷三十九

禮略三

歲時

正月元旦俗先一日門換桃符或貼宜春字夜半起以黃
阡敬事天地祖禰恭拜父母及親戚之長者飲屠蘇酒由
少而老以少之先得歲也放花砲以代爆竹驅邪問里交
相拜節 五日黎明掃除塵垢名送窮神是日飽食謂之
填五窮 六日炒黑豆撒于房壁名爆六甲 七日用糠
著地上以艾炷炙之名救人疾俗以疾切聲相近也 十
日名老鼠嫁女日是夜家人滅燭早寢恐驚之致羣相害

穀麥齏衣裳也 十五日上元天官誕辰俗所尤重街市
編張燈火花砲及火場倡優戲樂士女聚觀焉是夜用麵
爲不托名燈瓊注油然燈至 十六日早作羹食之示收
燈也 時士女或往來于親戚家或載酒出郊外名散百
病 二十三夜聚猪羊首雜燒之名煉乾俗諺曰大忌二
十三太上老君不出庵煉乾者煉丹也 原註桃符者桃板
一名仙木其上或
書神荼鬱壘字 黃尸紙錢也 三國志曰燕平中妖賊
大起漢中有張修爲五斗米道有病者請禱爲法音作三
通其一上之天著山上其一埋之地其一沉之淵謂之三
官此三官之始也 火場聚石炭大如斗累作幢塔狀或
獅象形然之
通明竟夜

二月朔日俗名開廟門龍神起剖羊以祭 二日以灰圍

宅舍謂之園蚰蜒 三日蚤起元旦所作黃米大饅和燒
黑豆啖之謂之敲蠅子

三月清明士女俱插柳毛栢葉於鬢出城墓祭踏青郊外
選勝飲酒謂之上野墳或分朋較射兒童競放風箏兩日
乃止 穀兩日貼厭蝎符于壁書呪其上曰穀兩日穀雨

晨奉請穀雨大將軍茶三瓊酒四巡送蝎千里化爲塵又

書叭吐噉嘯字于四隅

原註柳毛白楊芽也未放
葉時其芒若毛然故名

四月八日爲浴佛辰僧尼菴多作佛會街市散豆結緣

五月五日槐米糴縣艾葉插菴蒲午時書避兵靈符市售
長命線縷飲雄黃酒然以蚤而不以午也

六月六日雞初鳴作棗豆湯俗呼漿水運明各携至祖塋
澆奠名解炎熱人以後至者爲不孝又汲水貯器中作麩
漿及醋不穢敗取竈灰覆裘毳諸蟲畏之

七月七夕婦女夜焚香設瓜果于庭祀河鼓織女亦有乞
巧者瓜副之有法如華狀 十五日農家早向隴頭擇禾
之長茂者懸五色紙旗名曰田旛慶秋成也是夜于佛寺
作盂蘭會

八月十五日中秋瓜果香餅賞月并以月餅相遺

九月九日重陽節薦花糕採菊花登高飲酒爲時譙之遊
十月朔夜家家剪紙作寒衣焚于門外以送亡者

原注紙衣名裝

一名鬼衣一名明衣段成式曰相人起虞卿明衣起左伯桃挽歌起緯誼

十一月長至日以黍糕爲饋

十二月八日謂之道德臘用黃黍作糜下油鹽于中謂之餅飯原註餅俗音同孟又用米豆八種爲粥亦名臘八粥 二十

三夜祀竈神用糖餅以糝泥神口祝曰毋以惡事訴上帝也 二十四日掃舍宇 除夕老幼設席飲酒夜半不眠

謂之守歲原注糜少用水煮米使糜爛而稠以兆來歲百禾稠齊也昔陳元方季方歎忘箸軍飯成糜類

是以上俱延緩鎮志

正月元日家食餽飽拜祖廟後無論親疎槩詣門賀新

二月二日于五更後圍灰道避蟲

三月清明戲鞦韆拜墳作饅頭相饋上級各樣蟲鳥名爲子推謂晉文焚山禽鳥爭救子推也

五月五日插艾作角黍飲雄黃酒

八月中秋以西瓜棗糕相饋

九月重九日造菊酒謂歷久不壞

十月一日剪紙爲衣前夜焚之謂之送寒衣

十一月長至拜官師親友交拜

十二月初八日作糯米或黍米粥雜以豬肉豆腐謂之臘八飯 廿三日夜以雄雞糖瓜祭竈神 除日親黨造門

辭年夜守歲

以上宜川縣志

立春時擊鼓放爆名曰迎春署中鞭春畢爭搶春牛得撮土卽調水泥竈或剝得牛身席片用紙糊爲器盛糧謂歲收必豐年運必達

正月元日食餛飩不候曉卽拜年親屬往來如常日擇日迎喜神定方位官紳俱集行禮擺酒餽初五日平明作紙人備餅餌香土送之名曰送窮初六日夜多聽靜以下終年吉凶上元日家家燈火門外焚炭富豪家問放花砲十六日登高望遠名曰遊百病二十三日門外築爐焚柴用水剪紙人戴孝挂門名曰爲老君送殯二月二日黎明以灰灑居室墻道義取辟蛇蝎是日不推

碾磨不費食小米云下穀種食硬飯占歲豐常飽三日士
民作文昌會寒食蒸餅宰牲祀祖忌稀飯

三月清明家家香楮祭墳婦女戲鞦韆上巳日男女登翠
屏山上香如雲有古修禊意 二十八日獻東嶽廟神作
會是日羣赴娘娘廟上香

四月八日男女爭謁祖師廟間作佛會

五月五日用蒲艾紙貼門窗鎮痲男女折艾插頭老幼飲
雄黃酒又用絲線繩係小兒手足爲辟邪

六月六日家家曬衣又用酒漿奠墳名曰解渴清昇

七月七日不乞巧 中元祭八蜡逐蝗

八月十五日購月餅釀黍酒摘西瓜梨棗問聚眾鼓吹賞節

九月九日有登高者

十月初一日以紙裝綿上先墜焚之名曰送寒衣

十一月長至節紳士家祀祖相走賀庶民不爲禮

十二月八日喫粥富者間蒸糕庵廟建醮誦經爲佛會

二十三、四日家家香楮雞餅祭竈以黃米磨麩作黃尖食之 除夕夜多聽靜卜來年吉凶 家塾無多每借廟或

民間空房爲館舍春初起館肄業者率就檐外空明架石板爲書案冬苦寒耐坐不能過臘每人修脯止兩許故訓

謀爲難然郵猶畏奢費少就蒙養稼地瘠財窘人樂苟安
膏火無資書聲遂多斷續矣惟望歲屢豐登戶皆殷富爲
賢父兄以育才子弟也

以上延
長縣志

習俗

俗驕悍喜功利習騎射尚忠勇地處沙磧不事耕織昔多
世祿之家以奢侈相尚故至今華而不實漸趨陵矣且兵
民參半以餉爲命家無儋石稍稍水旱輒肆攘竊爲隱憂

焉

延綏
縣志

人勤稼穡俗尚鬼神不崇侈靡頗習法程國風秦俗尚

武有車騎翳鐵小戎無衣諸章遺意

通志

尚氣槩先勇力

前府志

修習戰備高尚氣力以射獵爲先名將多出 又云以夏

月遊賞爲重

經圖

延安民有四美一結婚不論財耻攀勢利罔爭聘禮一交友多重義武人行陣不避生死文士隔境聯社後先相接引一思先時盡哀每遇佳節門前焚楮繼之以哭一好善勤施舍卽貧乏者聞修廟設醮亦必喜輸有一病曰惰流水可以灌田而惰于疏濬開田可以樹木而惰于栽植女惰蠶織男惰經營而常憂衣食之艱

陳志

延安俗素稱惰家鮮蓋藏女不織紡終歲衣食與夫親戚

交際皆仰給于一夫而夫又耕之不力田不糞每歲易墜而耕卽大有時書而所獲不過下農之數無或乎歲稍不登輒流離失所也

同上

質樸少文習尚禮教力本務農急公重義坦率愚耿不事諛佞有陶岐遺化焉至于崇奉神教好聞嗜酒鹽販之外更無他管則邀福游惰之風正身率物者有以轉移之耳

安塞縣志

甘泉地瘠無紡織水利服賈經商之益惟以服疇力穡完輸將育家室凡婚祭服食不尚侈靡惟修廟設醮好施捨

有府城之風

甘泉縣志

安定士風剛勁習尚淳龐重氣節敦齒讓後進事長者以
父行禮雖貴顯坐語皆遜讓不敢先在延安府屬中頗稱
勤詩書或三五家卹必設訓蒙館入學後生計艱難卽業
農乘耒橫經何遽不學古人然務本尚實不事奔競此風
猶爲近古錢糧正供及時辦納士民如一轍居住多土窰
間有以磚石砌窰者計地不以畝而以埽一埽爲三畝每
埽遇豐年所收約不過五斗欲多收必須廣種農夫辛苦
終歲無暇日婦勤饁餉不事織紉地不產棉故也臨鞏諸
郡織褐而衣安定羊毛猶土產惜無教織者邊地早寒每
歲出數石粟始成一件衣且聞父老言前數十年鄉人入

城大半戴毡笠裘惟黑羊皮近則多有以服飾相耀者雖
曰休養生息民有起色然恐其由儉而趨者也漸不可長
工無良者所售多苦窳商賈多山西人冠禮久廢婚姻不
論財此風極美顧兒女緦緦卽締姻亦非所宜也締姻後
男家與女家置羊酒三載謂之追節餘遇時節各以酒肴
通殷勤喪禮棺槨衣衾稱家有無奠吊頗如家禮殯皆土
穴殷實家有石條砌闔室者浮屠一事儒士家多不舉
祭禮鄉人祭于墓紳士祭于主墓祭亦不廢

安定縣志

宜川民愿朴罕染澆漓之習士子橫經半兼負耒雖乏文
采亦少武斷把持敗類惟山僻生監間多夜郎自大然曉

以禮法頗易回心嚮道田家全恃天時鮮施人力翻耕布種便屬勤農過此卽屬坐待雨澤不事墾耘每有下種後趁食他鄉至收穫始回者近經督撫憲刊示曉諭知縣巡歷鄉邨隨地講解始漸習培糞薙芥之法工匠拙于營造製器粗劣奇技淫巧不禁自絕至挾貨逐末微非所長蓋緣土瘠民貧千金之產輒推上戶旣無餘財可資營運兼智慮短淺籌算未工城內市廛以及各鄉鎮集均係隔河晉民暨隣邑韓城澄城等處商賈踞漁獵坐致奇贏土人袖手脾脫莫與爭利也

宜川民漸知種桑果興蠶事又時置機杼習紡績衣食之

資視前稍賴焉按宜川民亦曉織布未能比戶嫻習大收
織作之利至種桑養蠶屢經督撫憲刊示勸諭邑令復鈔
錄蠶桑輯畧蠶政編等書分給各里並傳示絲車俾各照
造供用近來漸知倣效但宜川地近邊關寒多燠少氣候
稍遲桑不易長長亦後時溫蠶成繭尤爲大晚且所產之
絲不甚柔潤而多斷續見止平安平樂二里能抽絲織絹

其他僅藉以爲線若紬紗非此絲可成云

宜川縣志

邑分十里戶止數千人不爲滿而風習已定遂若自成機
杼凡男業耕牛具外以馬驢駕犁馱潤穢肩不輕挑手不
重提頭不芻蒲身不蔽襖逢集驅驢馱糧上市易錢亦不

提挈貧者逢歉年輒逃荒鬻妻子不出涕間傭工名爲受
苦歲稍豐而不傭矣傭則工價較歉年幾倍所以謂延長
民力貴而身賤也士每兼農業入橫經出負未拋黃卷理
青疇者比比皆是倡隨有古思媾依士之風噴體外無他
營反目者不多有婦人少蠶織卽紡績亦歲無多日針指
難趁錢故刺繡罕習且俗不重園蔬所議酒食惟碾磨烹
任或醴貯而已性膽不退怯有古小戎之風較夫男能言
視官署藐如也往來戚里率騎驢逢節或呼羣遊謁寺廟
毋亦石山戴土產毓固如此歟

農業爲生計根本而工商次之縣山地頗饒民皆耕種無

外慕俗可稱淳然土性瘠薄非加糞深耕不沃也俗用耕
具名爲鐮入土不滿三寸且地以四畝爲一墾或稱一畝
爲一堆下種時驅驢馱糞穢無負擔者計一墾不能受一
畝之糞故苗淺穰薄墾止石許而惰農自安羣不爲怪旱
惟盼雨卽近水可澆灌不事事歲或收戶盡餘糧苦無售
處緣山徑仄險舟車均阻故雖飽于腹而溢于囊城鎮有
貿盡山西及韓城人爲之縣人入夥開張者十不過一又
客民肩貨至鄉易糧春放秋收子或敵母邨民甘與之母
色悔語多畜猪羊間有販牽赴鬻山西者若牛驢馬騾不
多有尤懶習技藝毋論細巧秀韵事不能爲卽粗氣鹵物

斧斤爐錘等工俱盼外省匠作倍趁其錢不屑也甚至產物不能成貨甘爲賤鬻如有絲無綢有棉無布有皮毯無裘麩有麻子無清油之類又地盡重山宜種樹非嚴諭督不一栽植卽栽植亦不照管成株者少似謂奉官爲之于已無與也統計縣中累千金產者不逾十戶餘家可百金亦名富漢吁可憫也

事有非徧行而昔有之今仍未改者爲沿習延風淳樸而過問近惟魯不審是非不察利害一時遷就終或壅臍如女失夫守節爲上再醮不禁乃至事籌兩便以夫從婦而似贅非贅者名曰坐堂招夫意以撫子理家日久成就不

知後夫心屬兩頭有藉以營私者有假外不歸者有不依年限引婦以逃者余任內已見一二又多螟蛉子母論本戶外姓他縣別省率鬻負之俗曰指一子卽有子者亦買畜不惜長或背恩逃歸生訟不則本生父母兄弟騷擾糧債累賄其誼如所生服勞侍老者十不過一二嗟乎屬毛離裏義合自天何能強附卽本文過撫猶不得已而爲之焉可使異姓殊宗鹵莽以承膝下也譬之樹苟不類枝移易枯水若不論派滙亦濁因按歷朝史冊沙陀鐵勒率多養子意此地曾陷于羌所以與招夫陋習同爲羌俗所染歟願與民俗共湔洗之

樊鍾秀曰吾縣地近邊陲山川阨塞人多淳樸好義急公
有無常相貸貧富不相耀賦役無逋欠之累吏胥無舞文
之奸其風俗尤爲近古可慮者市多酒肆人盡貪杯在庶
民非誤生理則改狂縱紳士非荒硯田則失儀度且近尤
好賭角技編于城鄉雖律例森嚴頗知斂跡而呼盧喝雉
終不能免安得當事者力挽頽風而俾之反歸于勤儉也

縣長
縣志

延安府志卷四十

禮畧三

禮儀

民俗一切儀節多從簡略冠禮久廢婚禮初聘時兩家互送庚帖侑以禮儀不用婚改將娶先延女家長幼面訂吉期謂之議話議定隨具銀幣衣飾致送謂之送錢婚前三日男女家各請外氏宴飲謂之告外家次日男女外家各饋儀物厚薄不等謂之洗頭至日兩家俱不行醮禮婿不親迎擇老成婦女迎親彩輿內置一童男忌空也女家亦擇婦女送親婦人入門不行合巹禮次早卽謁廟并見尊

早親屬婿卜吉赴婦家曰謝親新婦卜吉歸寧曰回面其
居母家以初至婿家日多少爲準及歸婿家見尊長暨族
黨各有所饋亦贊幣遺意也富家婚嫁多在十二三歲時
血氣未充斲喪太早夭折之多未必不由于此至喪妻再
娶率重寡婦而輕室女以室女不諳操作寡婦必善持家
一有寡婦居爲奇貨索價動逾百金恬不爲怪 喪禮逢
七享獻至七七止謂之供七子百日不殯頭姪及諸孫七
七不殯頭服必實滿三年應舉子試者雖遵功令二十七
月服闋仍持私服至三期始易吉及葵鄉民第稱家有無
士夫或間以歌舞宴客相尚中人動輒破產有家計艱窘

耻受儉親之名遂至停柩數十年者殆所謂禮失當求諸野乎 祭禮既享神主于寢復行祭墓凡遇四時八節俱詣墳瞻拜男女環繞號哭盡哀乃罷廬舍不過三間五架制甚狹小邨落率多窳居吉凶贈賻儀物儉陋或升粟尺布或隻雞樽酒不以爲薄宴會用小器不過十器前令范式金立五簋約酌定四肉一菜誠教儉良規邑人多遵行之鄉民淳慤或過客暮抵其家卽不識面問悉其人行踪輒具飯設榻不取酬惠頗敦厚道

宜川縣志

民俗議婚最早除童養者不論外大都年十五六輒嫁娶初下聘時紳士富家備品物餘議財禮以歲豐凶判輕重

不等請期後男家先旬日備飾服兼餽牲物爲過禮女備
粧奩多飾衣箱及木櫃或製新郎衣服冠履伴嫁如期除
在城俱不親迎以媒妁導鼓樂去新婦着姆家服飾于歸
城中用轎鄉率騎驢父母不送或兄弟外姻送之入門合
巵次早更翁家新飾及服謁堂卽古謁廟禮越三日或十
日姆迎女歸寧婿同往名曰對日回門以婦至夫家之日
爲婿至翁家準也滿日歸女父母送至翁家留款亦三日
過此則往來任便婿依妻呼岳父爲爹爹岳母爲媽媽呼
妻伯叔及姑亦如之妻兄爲哥妻弟依行爲弟對人稱爲
小舅妻姊妹依行呼姐聯襟爲姊夫對人稱爲挑担婦呼

翁依夫爲爹爹姑爲媽媽夫之伯叔姊妹如之夫兄爲哥夫弟依行爲弟對人呼爲小叔夫姊妹亦呼姐夫姊妹之夫爲姑爺餘稱呼夫婦俱無異產育多食齋半月後始肉食女或生男彌月姆家以銀製響鈴或項圈鎖送之生女銀作耳環或手鐲送之若子女產多卽不備大都于六禮諸儀多從其殺以圖簡便易行然猶不大異于正也

民俗凡有尊行及成丁之喪初屬殯必號哭材以柩板爲上楊板次之殮殯不爲禮隨免陰陽擇日相地入葬逢七或延僧誦經就寺拜懺三七五七亦如之紳士家間做家禮將卜葬定期訃告開弔親朋以錢等差代牲酒麵菓爲

祭或獨獻或三五戚屬連名備之祭幃不多有出殯隨時
早宴親友少執紼孝家以白布裹頭纏腰着鞋不用麻卽
斬齊衰多不備堂東設靈座中書死者姓名年月朝夕進
香獻飯百日不卒哭雖數月經年婦女猶號慟卜地開葬
壙深丈餘頭穿窰孔或砌磚石如柱窰或土劈如陶穴下
埽後迎棺入葬貧者抽葢及左右材板他用以石板爲門
閉之卽築外壙爲冢地若吉卽預籌父母同穴後爲附凡
屍稱靈墓稱陵名雖美而實僭毋亦雍久帝都陵寢在有
故沿稱而不悉歟宗祠除一二紳士家外餘皆無有冬至
立春不行祭惟清明挂掃男女備酒餚至墓所奠哭若新

葬尤盡哀中元燒紙錢十月初二日以紙包棉焚之爲祖
先送寒衣也凡父母生忌家龕拜冥壽備酒饌祭之至忌
辰或憶哭不爲意邑有僧無道故止作佛事無道場自薦
七至服滿或二三次或多次無定局紳士便家子喪畢日
詣父母墳前祭奠題主易靈更服亦有以週年題主者非
謂形歸窳窳卽神返室堂也間時祭神奉香後用黃疏紙
焚之惟佛事則用錯穿眼如錢樣疊帙燒包謂爲冥司使
費仗佛力超度此蓋就成喪成祭者言之若子女夭傷不
家哭母疼念赴山原號叫然率外擲不爲瘞謂死卽孽種
不拋殘之恐再來也噫嘻胎息自天壽夭惟數若因殄瘁

之故而委弃狐狸蠅蚋其子思勤憫鬻之謂何矣所望一
鄉善士力爲導訓挽茲殘忍頹風以匡宰令之不逮耳宴
享之大者多見于詩篇類皆歡而有制美不忘規若或罔
知監史沉酒成風似不足計也顧合歡慶會聖王不禁以
故各成風俗惟富就其已然而導之延長種黍釀酒顧無
殊意古馨香之味卽此城中因向有酒泉市多釀飲者易
醉前令禁之然禁并不禁釀卽汲河流他井泡之亦未嘗
不善今城之業酒者十有三四俗名曰開酒房蒸軟糜拌
麩揉之入甕間日一熟用土絹縫酒帘幾繫入酒牀灑之
清自無滓價不昂民無論貧富飲之家釀市沽總以巨杯

相勸侑間用燒酒自遠來本地少作亦不善下酒不須
菜率以水醃小蔬灌醋切之入碟爲敬尊客至宰鷄煮蛋
或烹羊豕各品俱備大抵會宴惟慶祝神祠及時雨蟲蝗
建醮設齋畢謝而已餘如嫁娶喪葬多宴親友亦不製屏
幃或贈匾爲祝有製壽材者誕日親朋齊集拜看舉杯稱
賞名爲交點以上宴會俱以家之厚薄加視距城遠近爲
等差豐固無過九簋儉則小盤四五對客怡然在坐幾人
斟杯爲敬此雖過樸少文而禮惟其意不惟其物土簋蕢
桴猶爲近古况山不產珍自有茶薺本然之味海不呈錯
且吐蒹葭新苗之英當今之時而欲以救奢去靡返末還

初得此亦如參朮之攻疾矣

禱卽祀類也古有之而鬼有定分非分而祭且不可况矯舉以邀福乎延長俗佞佛信神宋以前難考金至明爭建寺廟每劈石開洞砌基築宇雕設工巧費不下千百緡備極崇奉憶當日之民自不窮窘今古廟多剝落且通邑僧不滿百香火寂然而祈福禳災則依然舊習也除佛誕神會男女獻供錯雜禮拜不計外餘或祈雨禳病于土地及境內神祠不必風伯雨師岐伯藥王爲應禱如里中有唐王祠卽太宗伍大夫祠卽伍員來歷難以臆斷大都以土地神祠之禱或應卽驚傳不應坦如也上元日設爐焚火

二十三三十日亦然火取光明避毒瘴之義二月初三祝文昌帝君生諸生醮飲寒食禱穀神四月初八日上翠屏山祖師殿進香祈福二十八爲藥王祝生開會演戲六月六日農家備酒餽祭空求雨七月舊作孟蘭會今猶祭八蜡祈驅蝗有年臘八寺建醮爲佛會間時市亦建平安清醮無黃冠盡緇衣神爲之邑近邊地高風勁暑少寒多受寒卽生病不慣服藥藥品亦不備病或沉覓巫師俗名馬脚驅鬼多驗卽祈雨亦築壇用巫作法事代神語得雨時日又有神官亦習媚神驅邪事多信用之凡祈福禳災或先期許愿後還或隨許卽還品物用猪羊者少率以刀俎

烹麩餠酒飯爲敬噫師巫在三代已有而沿習旣久多成
邪術廢之則爲過當仍之又于禁典要以存其教不敝其
俗爲不失風導之意云

延長
縣志

延安府志卷四十一

兵略四

延安府屬兵制

國朝經制官兵九千六百二十九員名馬二千六百四十二匹
明會典經制官兵五萬五千三百七十九員名馬騾
駝三萬三千一百五匹

延安營叅將一員中軍守備一員千總一員把總二員經
制外委千總一員經制外委把總三員

馬戰兵二百五名步戰兵九十五名守兵一百九十名額
馬二百五匹 明制軍丁一千五百名馬五百匹

駐劄本營馬戰兵一百九十四名步戰兵八十四名守兵一百五十二名

演武場在府城內西山坡下

安塞縣分防馬兵一名守兵五名 洛河川分防馬兵一名步兵一名守兵五名

演武場在縣新城西門外迤西數十步

甘泉縣分防把總一員馬兵一名步兵二名守兵七名
臨真鎮分防外委一員守兵五名 縣塘汛馬兵三名守兵二名 蘇家河塘馬兵三名守兵二名 大勞山塘守兵二名 麻子街塘守兵二名 道左舖塘馬兵三名

演武場

保安縣分防外委一員守兵六名按以上共七名屬靖邊營 園林驛守兵二名 徐家臺守兵二名

演武場在縣南門外今僅有遺跡

安定縣分防馬兵一名步兵二名守兵五名

演武場在縣北門外今僅有遺跡

宜川縣分防外委一員步兵二名守兵五名

演武場在縣西門外河西

延長縣分防外委一員馬兵四名步兵一名守兵九名

演武場在縣

延川驛分防把總一員步兵一名守兵五名 拐茆塘分
防守兵五名 馬家店塘分防守兵二名 文安驛塘分
防守兵五名 郝家崖塘分防守兵二名 蒿岔峪塘分
防守兵五名 唐家店塘分防守兵二名 延水關分防
馬兵一名步兵二名守兵五名 以上兵皆屬延安營
演武場在縣城北一里

延綏鎮西協定邊營副將一員中軍都司一員把總二員
馬戰兵二百五十六名步戰兵七十五名守兵一百名
明制軍丁並守瞭軍共二千六百九十名馬騾一千五百
六十五匹

演武場在定邊縣東門外

安邊堡都司一員馬戰兵二十五名守兵一百名 明制
新安邊堡軍丁并守瞭軍共五百九十一名馬騾一百五
十二匹又舊安邊堡軍丁并守瞭軍丁共二千八十四名
馬騾院一千二百二十五匹

磚井堡守備一員馬戰兵九名守兵一百名 明制軍丁
并守瞭軍丁共八百五十名馬騾四百三十三匹

柳樹澗堡守備一員馬戰兵九名守兵一百名 明制軍
丁并守瞭軍共一千八十二名馬騾三百八十四匹

鹽場堡把總一員守兵五十名 明制軍丁一百二十名

馬八匹

靖邊營遊擊一員把總一員外委一員馬戰兵八十五名
步戰兵五十名守兵六十五名內撥保安縣馬兵一名守
兵六名寧條梁守兵十五名 明制軍丁并守瞭軍共二
千二百五十五名馬騾九百二十匹

演武場在靖邊縣

鎮靖堡都司一員外委一員馬戰兵九名守兵一百名
明制軍丁并守瞭軍共二千五百三十七名馬騾一千
七百八十九匹

龍州堡把總一員馬戰兵五名守兵三十五名 明制軍

丁并守瞭軍共五百五十七名馬騾二百四十七匹

鎮羅堡把總一員馬戰兵五名守兵三十五名 明制軍
丁并守瞭軍共四百四十一名馬騾一百六十四匹

寧塞堡守備一員外委一員馬戰兵九名守兵一百名內
撥寧條梁一十七名寧條梁分駐把總一員守兵三十二
名 明制軍丁并守瞭軍共二千四百四十五名馬騾一
千五百七十一匹

軍數舊額附考

明洪武二年延綏守臣建議開設延綏各衛調銓官員編
選軍士于時有歸附者有收集者有選充者有編撥者共

爲四等此外有賴字號軍蓋天順初陝西叅將李源清出
各衛遠年無勾之軍同名同姓而相推不承者題悉發榆
林衛編伍故爲之老軍 又成化二年延綏守臣言營堡
兵少而延安慶陽府州縣邊民多驍勇耐寒敢于戰鬥若
選作土兵必能奮力兵部奏請勅御史往會官典選如延
安之綏德州葭州府谷神木米脂吳堡清澗安定安塞保
安慶陽之寧州環縣選其民丁之壯者編成什伍號爲土
兵其優恤之法每名量免戶租六石常存二丁貼其力役
五石以下者存三丁三石以下者存四丁于時得壯丁共
五千餘名又宏治中延綏巡撫復題召募土兵名義勇軍

計得一萬三百七十六名此延綬土兵之所由始也 又
成化八年吏部侍郎葉盛會總督王越總兵許寧奏請清
解六年七年各省軍之不服水土者暫留實邊與清勿雲
南兩廣福建浙江衛所軍人俱解榆林各衛以實邊備巡
撫余子俊亦有是議詔可之謂之雜抽軍 又成化六年
榆林置衛時三衛老軍摘撥戍邊數少巡撫議從老軍戶
內陸續抽選壯丁分四班輪流操備謂之四班壯丁自宏
治以後共計得軍四萬三千五百九十四名爲原額 又
宏治十三年延綬巡撫陳壽議奏官軍之家三丁內選一
丁以補軍伍空缺計選軍二千名又于正德五年左通政

歲蘭等邊各軍戶內五丁以下者擇一丁六丁以上者擇二丁計得軍丁一千五百二十二名謂之選丁 又嘉靖三十年巡撫張愚奏于免糧士兵餘丁內每免五石以下者抽一丁五石以上者抽二丁十石以上者抽三丁三十年巡撫張珩以免糧十石上下者抽一丁俱夏秋備邊過冬疎放謂之免糧抽軍 又成化十二年巡撫余子俊奏紘德衛十二隊每隊五十名共六百四十四名延安衛一十九隊有奇共九百五十三名慶陽衛八隊共四百一十九名凡屯軍每年俱十一月初一日到邊備冬次年三月初一日疎放農作嘉靖二十四年巡撫張子立題留本

衛設官操練以備征戰謂之屯軍一名備冬軍 又江南
北准東西軍衛皆領漕運河南山東軍每歲分番戍邊名
曰班軍正統初兵部節議輪班官軍陝西西安左前後右
四衛遼闊衛蒲州守禦千戶所通共輪班操備官軍兩班
計一萬一千六十三員名嘉靖三十一年奏冊尙仍舊其
後南陽潁上寧山三衛軍免班南陽等衛軍戍榆歲二月
赴邊次年二月放歸嘉靖四十三年巡撫胡志夔疏議免
戍三年每年每軍徵銀五兩四錢解鎮募軍之用限滿仍
復上班萬歷三年閩邊郎中熊承元總督石茂華巡撫張
守中會議罷舊徵銀以資工費而班軍之制廢矣 又嘉

靖二十九年成寧侯仇鸞疏歲徵各鎮兵入衛以榆林四
營更番戍守謂之入衛軍當時呼之爲小馬軍

以上俱延綏鎮志